

寧洋縣誌

地 310. 57
32
1-3



重修寧洋縣志序



志不惟其言也昭法戒資勸
懲於是乎在蓋旣志其事而
又足以與人之志故古去言
而爲志也作者志之固以存
直道而行之實讀者志之亦

寧洋縣志序

一

以動思齊內省之誠志之義
大矣哉寧自嘉靖乙丑建邑

隆慶改元董公良佐始蒞治

萬曆初季鄧公于蕃卽爲志

而楊公繼時踵成之計歷歲

未浹二紀其記載皆見聞所

及文獻足徵萬曆庚戌許公
一元更加釐定以應直指陸
公之檄是志之簡而該詳而
核莫有如寧者矣迨我

皇清定鼎聲教四訖車書大同
雖僻壤遐陬無不涵濡

寧洋縣志

序

二

聖天子觀文化成之治猗歟盛
哉顧寧爲漳末屬戊子後山
海交訶兩經破燬越丙申得
蕭公亮宰邑勞來還定之餘
遺黎稍有起色卽以興顏峯
廢爲已任謀之廣文張孝廉

豐玉取舊志而重修之其事
質其言文於前數公殆有光
焉惜重以甲寅之變簡編散
失已無全書至癸亥歲會

朝廷命修一統志

當道檄各郡邑以志上前尹

寧洋縣志序

三

王公時泰將舊志抄補少加

續訂應之未嘗登梓李公文
然繼其後兵燹之餘無從稽
核復以乘載不可久缺亟於
成書遂綜其大概付之剞劂
以故有簡畧遺憾予以菲材

承乏之恩報稱無能隕越是懼
戴星飲水五載于茲賴

一 人有慶庶績咸熙屬在下邑

幸見民物粗安文風漸振恭

仰我

聖天子宵旰來圖以成憲良殷

寧洋縣志

序

四

爲監上而

祖宗實錄遠而勝國史編旣皆

纂輯告成矣豈蕞爾一隅而

竟載筆無人使觀者歎菁華

之竭乎因與邑中紳士耆庶

謀修志之舉衆議僉同請之

上憲蒙報可及筮日開局於
學宮委重學博郭君董諸生
從事焉匝月書成予覽之見
夫輿圖具列建置相沿於賦
役而念民力之嘗存於官師
而凜職司之專屬武有備而

禮爲坊人可傳而文不朽下
至畸流變故亦所必書夫益
知志之爲義旣志其事而又
足以與人之志誠不惟其言
也雖然言之無文行之不遠
古志之矣今日主承

聖教之覃敷下允輿情之協請
幸與於踵事增華之列庶幾
有文而可行謂得以媲美前
人予重愧未之逮也而竊有
志焉

康熙三十一年歲次壬申復

寧洋縣志

序

六

月穀旦

文林郎知寧洋縣事雲川沈

荃謹序

重修寧洋縣志序

余宦羈京邸每念及悠、我里未嘗
不日繫於衷竊意猶是山川也而風
景之典時變遷何如乎猶是城郭也
而寧居之爰得我所何如乎戶口之
殷繁者幾何家土田之墾闢者幾何

序唐

地也吏斯土者其能收養之使其安
全化導之無併淫佚否也有又事者
必有武備足衣食者必興禮教其果
修舉善贖否也人文其既炳蔚歟
天災時變其盡銷息歟皆未可知也
以是數者日繫於懷每見一鄉人至

輒惓惓諮詢不置遠家叔氏郵書以
沈賢侯所修寧洋縣志問序於余且
述侯之治績甚悉余已素稔侯
名嘗聞其受命將行徐健翁先生
贈以偶句侯初蒞事時印鏤而懸
之廳事其能受言如此則其能為政

序唐

二

可知也乃於百廢具興之餘而復有
是舉邑志也乎哉治譜也夫而後余
衷乃大慰也已蓋於山川興永奠之
思則惟虔昭事不獨番連風異也於
城郭屋後隍之慮則惟懷永固不獨
暫慶寧居也覽戶口土田而軫恤民

依則生齒之重稼穡之艱如在目中
矣按職司官守而勉圖克稱則瘵曠
之虞協恭之誼念茲勿釋矣它如戒
於終日武備宜修也禁於未然禮教
宜豫也以至人呂父風之待於振興
天災時度之關於消弭其為志之所

序唐

三

必備者皆為治之由必詳也 侯固
以生平所為措之於事筆之於書而
謂僅撫前人之故實存一邑之典章
已載為法於今可傳於後上以入告
資猷下以懸書布澤舉枉是矣方今

聖天子勵治勤民尤於良有司加意行

見 虞以施之一邑者詩之天下其
慰余懷者久者不獨在錢里也已因
喜而書此冠之簡端

勅進士出身宗人府丞前太常太僕二
寺卿大理寺左少卿通政司左右叅
議掌印河南道廣東道監察御史內

寺唐

弘文院庶吉士年家眷侍宦唐朝龔
頓首拜書



重修寧洋縣志序

庚戌春榜發不佞幸售得附沈心
涯先生末光至戊辰夏其家伯氏
尹翁仁侯來令寧洋因辱托世誼獲
交壬申冬侯修邑志成屬予一言
弁諸首簡予取而讀之見其門分類

序

張

一

別井井有條綱舉目張昭昭不紊而
歎侯之留心吏治無廢不興以有
斯舉也吾因有感夫廢興之際良非
偶然矣蓋當其興不於其成之日也
必有人焉幾經焦勞拮据而始觀厥
成當其廢亦不於其弛之日也必有

人焉百凡優游怠忽而浸卽於弛至
於旣廢而復興此其人非有什百庸
衆之材精勤無斃敏給有加必不能
與於此何也始興之際草昧經營不
過創豎一二而已可畢吾事時而再
造則某也宜復某也宜修某也宜先

序張

二

某也宜後益其前所未備舉其今所
已頽相其緩急而概爲之圖苟有一
二闕畧遂將予已以憾而開人訾議
之端也故必其志其才之大過人者
乃能與於此也吾觀 侯之爲寧其
致力於神則自

文廟城隍以及寺刹祠宇鉅細不遺其
圖利於民則自城郭門垣以及橋梁
道路遠近畢舉言乎崇文則泮宮社
學之備興言乎右武則弁署兵房之
始建它如設立義倉以備賑清還民
舍以寧居種種善政難以縷述大抵

序

張

三

上憲有良法而奉行之必力下民有
便利而諮詢之務勤以云民之父母
必如 侯而始克副焉蓋其志旣大
而其才又足以稱之吾於是而益歎
侯之過人遠也為寧僅見一斑耳而
它日大行之經濟悉取之是志裕如

也 侯其自此升矣敬勸一言爲左
券

賜進士第奉政大夫刑部湖廣清吏

司郎中前工部都水清吏司員外

郎管繕都水二司主事充內閣纂

修

序張

四

大清會典纂修官甲子順天鄉試同

考官內閣中書舍人軍功加至正

一品仍帶餘級治年家弟張雄頓

首拜撰



序

國之有史邑之有志一而已矣古者
輶軒所歷問俗採風而太史東輶成
書是志卽史之權輿也志顧不重耶
寧為彈丸僻壤雖無名山廣川通都
大封足供巡省然亦版圖所隸規制

序郭

一

必詳若公署以宣治澤宮以興賢倉
庫為積貯之場郵遞為傳命之所戶
口土田之咸備兵防禮典之具存且
山靈水秀鍾為國禎循績幽芳騰諸
輿口以至畸流變故皆足資見聞安
可無傳况設邑旣百餘年司牧者不

一人振作者不一事舊已存志徵遺
書訪故老未始不可成不磨之舉然
中缺而未備美而未彰豈畱為後人
潤色增加之地耶予己巳秋叨訓寧
庠率值

邑侯沈老父臺蒞治之次載親見

序

郭

二

侯之為政舉廢興哀用心最苦脩葺
城垣復開北門重建橋梁金湯有賴
民不病涉也新

聖廟飾宮祠設義倉文明啓而賑濟周

也置書院延師課士施養賢育才之
教且禁暴露而保枯骸得月令埋斃